



Na osnovu člana 8. Zakona o ministarskim, vladinim i drugim imenovanjima ("Službene novine Federacije BiH", broj 12/03, 34/03 i 65/13), i tačke VI Odluke o kriterijima za nominiranje/imenovanje predsjednika i članova upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe („Službene novine Kantona Sarajevo“, broj 4/05 i 11/05), ministar komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

## **JAVNI OGLAS**

### **za imenovanje na poziciju člana Upravnog odbora**

### **Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe**

#### **1. Predmet Javnog oglasa**

Oglašava se pozicija za:

- Član Upravnog odbora iz reda osnivača .....1

Upravni odbor Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe (u daljem tekstu: Fond) imenuje Vlada Kantona Sarajevo na osnovu prijedloga Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo).

Mandat člana Upravnog odbora traje do isteka mandata ostalim članovima Upravnog odbora imenovanim rješenjem Vlade Kantona Sarajevo broj: 02-04-10717-27/24 od 14.03.2024 godine, odnosno do 14.03.2028. godine.

#### **2. Opis pozicije člana Upravnog odbora Fonda**

Učestvuje u radu Upravnog odbora i donosi Statut Fonda, na koji saglasnost daje Vlada Kantona Sarajevo na prijedlog resornog ministarstva, donosi srednjoročne planove i programe izgradnje stanova, odnosno godišnje planove i programe Fonda, prati realizaciju planova i programa izgradnje (i kupovine) stanova, vrši kontrolu namjenskog i racionalnog korištenja sredstava Fonda, utvrđuje kriterije za usmjeravanje i raspoređivanje sredstava Fonda, usvaja godišnji izvještaj o poslovanju Fonda, usvaja završni račun Fonda, donosi poslovnik Fonda i obavlja druge poslove za koje je ovlašten propisom, statutom i drugim općim aktima Fonda.

#### **3. Opći uvjeti**

Za člana Upravnog odbora Fonda može biti nominiran/imenovan kandidat koji ispunjava sljedeće opće uvjete:

1. da je državljanin Bosne i Hercegovine;
2. da je stariji od 18 godina,
3. da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,
4. da se na njega ne odnosi član IX.1. Ustava Bosne i Hercegovine,
5. da nije osuđivan za krivično djelo i za privredni prijestup nespojiv s dužnošću u Upravnom odboru Fonda,
6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04, 63/08 i 18/12).

#### 4. Posebni uvjeti

Kandidati koji se nominiraju/imenuju na poziciju člana Upravnog odbora Fonda moraju ispunjavati sljedeće posebne uvjete, i to:

1. da ima završen VII stepen stručne spreme;
2. da ima najmanje pet (5) godina radnog staža u struci;
3. da nema privatni - finansijski interes u Fondu u čiji se upravni odbor kandiduje;
4. da nije član niti jednog upravnog odbora odnosno nadzornog odbora.

#### 5. Kandidovanje

Svi kandidati koji budu stavljeni na listu sa užim izborom, biće pozvani na intervju pred Komisijom za izbor.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine ("Službeni glasnik BiH", br. 12/25).

Na Odluku o imenovanju člana Upravnog odbora Fonda zainteresovana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

#### 6. Sadržaj prijave i spisak potrebnih dokumenata

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od 6 mjeseci), kao dokaz o ispunjavanju općih i posebnih uvjeta traženih ovim oglasom i to:

1. Uvjerenje o državljanstvu Bosne i Hercegovine,
2. Diploma o završenoj školskoj spremi,
3. Potvrda o radnom stažu u struci (potpisana i ovjerena od strane poslodavca koja sadrži podatke o poslovima koje je kandidat obavljao, naziv radnog mjesta, zahtjevanu stručnu spremu za to radno mjesto i dužinu rada na tom radnom mjestu),
4. Izjavu kandidata potpisanu i ovjerenu od strane nadležnog organa o ispunjavanju općih uvjeta pod tačkama 3., 4., 5. i 6. i posebnih uvjeta pod tačkama 3. i 4.

Pored navedene dokumentacije, kandidati koji budu izabrani obavezni su prije stupanja na dužnost dostaviti uvjerenje za redni broj 5. iz tačke 3. ovog javnog oglasa.



Prijave sa traženim dokumentima kao dokazom se dostavljaju lično ili poštom preporučeno, sa naznakom "PRIJAVA NA JAVNI OGLAS ZA IMENOVANJE ČLANA UPRAVNOG ODBORA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE " – NE OTVARAJ".

Prijave se dostavljaju na sljedeću adresu: Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Ulica Reisa Džemaludina Čauševića broj 1, Sarajevo.

Oglas ostaje otvoren 15 (petnaest) dana od dana posljednjeg javnog objavljivanja.  
Neblagovremene i nepotpune prijave neće biti razmatrane.



M. AR  
Mla. urević

